

BULETIN unisel

UNIVERSITI SELANGOR

Peneraju Transformasi



UNISEL, CCSB JALIN IKATAN LEBIH ERAT MENERUSI MOU



UNISEL TERIMA KUNJUNGAN PELAJAR ISLAM KEMBOJA

DIALOG TURKI PASCA KUDETA ERDOGAN & KUASA RAKYAT

SAMBUTAN PENDAFTARAN KEMASUKAN JUN 2016 LUAR BIASA

dari. meja editor



ASSALAMUALAIKUM WARAHMATULAHI WABARAKATUH DAN SALAM SEJAHTERA

Setinggi-tinggi kesyukuran dipanjatkan ke hadrat Allah SWT dengan izin dan limpah kurnia-Nya, Bulletin UNISEL edisi September 2016 berjaya direalisasikan. Setinggi penghargaan saya ucapkan kepada sidang redaksi buletin dan kepada semua pihak yang membantu dalam menghasilkan buletin ini. Sesungguhnya hanya Allah SWT sahaja yang mampu membalas segala jasa baik dan pertolongan kalian dalam usaha untuk memberikan input-input yang berguna buat para pembaca.

Sidang pembaca sekalian,

Sepanjang perlaksanaan buletin, tidak saya nafikan bahawa UNISEL merupakan sebuah institusi yang sedang giat membangun bukan sahaja dari segi pentadbiran malah juga pengurusan akademik. Banyak pembaharuan yang telah dilakukan oleh Presiden & Naib Canselor, Prof. Dato' Dr. Mohammad Redzuan Othman dalam memberikan yang terbaik bukan sahaja untuk pelajar malahan kakitangan UNISEL antaranya adalah pemasangan penyaman udara baharu di kedua-dua kampus UNISEL. Sesungguhnya keprihatinan beliau berkaitan isu pentadbiran banyak menyumbang dalam meningkatkan produktiviti dan memberi sinergi baharu bagi semua pihak.

Saya juga berbesar hati untuk mengucapkan ribuan terima kasih kepada Dato' Menteri Besar Selangor, YAB Dato' Seri Mohamed Azmin Ali di atas sumbangan geran bernilai RM20 juta. Sesungguhnya sumbangan yang diberikan ini dapat membantu menampung projek pembangunan di sekitar kampus UNISEL dan seterusnya menjadikan UNISEL sebagai salah sebuah universiti pilihan dan terulung di Malaysia.

Kejayaan demi kejayaan telah disumbang khususnya oleh para pelajar. Antaranya adalah kejayaan yang berjaya dibuktikan dalam bentuk pingat oleh Mohammad Hashri Fikri yang meraih pingat ganga pada kejohanan Asean University Games kali ke 18 di Singapura baru-baru ini. Bukan sahaja berjaya mengharumkan nama Malaysia di mata dunia malah berjaya membawa identiti UNISEL sebagai sebuah institusi yang berjaya melahirkan atlet bertaraf dunia. Syabas dan tahiah diucapkan.

Sebelum saya mengakhiri bicara, sekali lagi saya ingin mengucapkan jutaan tahniah kepada seluruh warga UNISEL yang telah bertungkus-lumus dalam memastikan kemasukan Jun 2016 berjalan dengan lancar dan hasilnya dapat kita lihat apabila UNISEL menerima sambutan luar biasa bukan sahaja daripada pelajar malahan juga ibubapa. Sambutan yang meriah ini telah membuktikan kejayaan perubahan yang telah dibawa oleh Presiden & Naib Canselor baharu, Prof. Dato' Dr. Mohammad Redzuan Othman menerusi 'tagline' terkini universiti iaitu "Peneraju Transformasi".

Sekian

HASRIL ABU HASSAN
Ketua Editor



Sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat
Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR

Tel : +603-55223420
Email : corporate@unisel.edu.my
Website : media.unisel.edu.my

Penaung : **Prof Dato' Dr Mohammad Redzuan Othman**
Presiden & Naib Canselor

Ketua Editor : **Hasril Abu Hassan**
Pegawai Komunikasi Korporat

Editor : **Nik Nabilah Nik Aziman**
Penolong Pengurus Komunikasi Korporat

Wartawan : Pejabat Komunikasi Korporat

Fotografi : Pejabat Komunikasi Korporat

Pembantu Editorial:
: Hasni Mohd Noor
: Nor Hasnida Mohd Hosni
: Aiman Mudzafar Mohamad Khairi

kandungan

- 4 UNISEL Terima RM20 Juta Geran Pembangunan
- 5 UNISEL, CCSB Jalin Ikatan Lebih Erat Menerusi MoU
Pemasangan Penyaman Udara Baharu Bermula 15 Jun Serentak Di Kedua-Dua Kampus
- 6 MPP UNISEL Sertai 'University Scholars Leadership Symposium' Di Hanoi, Vietnam
Dialog Turki Pasca Kudeta: Erdogan & Kuasa Rakyat
- 7 Pelajar UNISEL Raih Gangsa Di Kejohanan 'ASEAN University Games' di Singapura
Iftar Jamaie UNISEL Erat Ikatan Kekeluargaan
- 8 Nik Nazmi Tekankan Gejala Sosial Perlu Ditangani Secara Kolektif
- 9 UNISEL Sambut World Press Freedom Day 2016
UNISEL Tawar Perkhidmatan Pemeriksaan Kesihatan Percuma Smart Selangor Care
- 10 UNISEL Terima Kunjungan Pelajar Islam Kemboja
Bank Islam Serah Cek Zakat Bantu Asnaf dan Pelajar
- 11 Kasih Ambang Ramadan Tanda Keperihatinan UNISEL
Yuran Asrama Diturunkan Demi Kebajikan Pelajar
- 12 Sambutan Pendaftaran Kemasukan Jun 2016
UNISEL Terima Naib Presiden & Timbalan Naib Canselor Baharu
- 13 Sambutan 'Aidilfitri' Peringkat Kampus Shah Alam Meriah
Aidilfitri Disambut Meriah Warga UNISEL Kampus Bestari Jaya
- 14 UNISEL Perkenalkan 'Website' Baharu
- 15 Sepintas Lalu



UNISEL TERIMA RM20 JUTA GERAN PEMBANGUNAN

Menteri Besar menyerahkan cek bernilai RM20 juta kepada Presiden & Naib Canselor UNISEL



Warga Universiti Selangor (UNISEL), Kampus Bestari Jaya baru-baru ini telah menerima kehadiran YAB Dato' Seri Mohamed Azmin Ali, Dato' Menteri Besar Selangor yang menunaikan Solat Jumaat di Masjid UNISEL.

Kehadiran beliau disambut Prof. Dato Dr. Mohammad Redzuan Othman, Presiden & Naib Canselor serta pengurusan tertinggi universiti. Turut hadir ialah YB Nik Nazmi Nik Ahmad, Exco Pendidikan, Pembangunan Modal Insan, Sains dan Teknologi Selangor.

Majlis penyerahan sumbangan cek berupa geran ini bermula setelah selesai solat Jumaat dengan dimulainya ucapan aluan oleh Presiden & Naib Canselor dan disusuli ucapan seterusnya oleh Dato' Menteri Besar Selangor.

Sumbangan geran berjumlah RM20 juta yang disampaikan ini adalah bertujuan menampung projek pembangunan yang sedang giat dilaksanakan oleh universiti selama ini. Dianggarkan seramai 400 jemaah yang hadir menyaksikan penyerahan ini.

YAB Dato' Seri Mohamed Azmin Ali sempat beramah mesra bersama warga UNISEL



Menteri Besar diiringi oleh Presiden & Naib Canselor



Temuramah bersama wartawan



UNISEL, CCSB JALIN IKATAN LEBIH ERAT MENERUSI MOU



Prof Dato' Dr. Mohammad Redzuan Othman menandatangani MoU bersama wakil CCSB



MoU disempurnakan oleh kedua-dua pihak

BERMULA dengan kunjung hormat pada 20 Januari yang lepas, semua butir kerjasama yang diperbincangkan telah dinoktahi menerusi majlis menandatangani Memorandum Persefahaman (MoU) antara Universiti Selangor (UNISEL) dengan Communication Corporation Sdn Bhd (CCSB). Ini merupakan bukti perkongsian kerjasama erat diantara kedua-dua belah pihak selama ini.

MoU ditandatangani oleh Prof. Dato' Dr. Mohammad Redzuan Othman, Presiden dan Naib Canselor serta Encik Shamsul Azhar Mohd Yusof, Pendaftar, manakala CCSB pula ditandatangani oleh Encik Eddie Adrianto Ahmad Khodzali, Ketua Pegawai Eksekutif dan En. Soffan Affendi Aminudin, Ketua Pegawai Operasi Menteri

Besar Incorporated (MBI) sebagai saksi penandatanganan.

Objektif utama MoU yang dimeterai ini, antara lain adalah bertujuan meneroka ruang serta peluang publisiti kedua-dua pihak. Dalam pada itu, perjanjian persefahaman ini juga bakal menyediakan "platform" pertukaran kepakaran serta perkongsian hasil editorial dan kewartawanan untuk mengembangkan lagi info dan maklumat yang hendak disampaikan.

Sementara itu, Prof. Dato' Dr. Mohammad Redzuan Othman menerusi ucapan alu-aluan, menganggap majlis yang berlangsung ini adalah satu sejarah bersama yang cukup bermakna. Tambah beliau lagi, pendekatan bertulis menerusi MoU ini mampu memberikan satu sinergi terkini yang boleh diterjemah menerusi komunikasi yang lebih berkesan dimasa akan datang kelak.

PEMASANGAN PENYAMAN UDARA BAHARU BERMULA 15 JUN SERENTAK DI KEDUA-DUA KAMPUS

Prof Dato' Dr. Mohammad Redzuan Othman berucap



Antara pegawai yang hadir



PROF. Dato' Dr. Mohammad Redzuan Othman, Presiden & Naib Canselor Universiti Selangor (UNISEL) dalam satu kenyataan menerusi ucapan bulanan di Kampus Shah Alam yang telah dipancarkan secara langsung ke Kampus Bestari Jaya mengumumkan proses pemasangan penyaman udara baharu di kedua-dua kampus bermula serentak pada 15 Jun.

Perkembangan baharu ini adalah sebahagian plan tranformasi yang

diusahakan beliau semenjak menjawat jawatan Presiden & Naib Canselor pada Jan lepas. Keseluruhan peruntukkan bagi tujuan ini dianggarkan sekitar RM15 juta dan ini adalah sebahagian daripada jumlah besar RM44 juta yang telah diperuntukkan Kerajaan Negeri Selangor sebelum ini.

Dengan pecahan sebanyak 4 sektor iaitu 3 sektor di Kampus Bestari Jaya dan selebihnya di Kampus Shah Alam, beliau berharap agar pemasangan penyaman

udara baharu ini dapat memberikan lebih keselesaan buat semua warga universiti.

Dalam perkembangan lain, beliau juga menyeru semua warga universiti untuk lebih berkerja keras bagi membina imej dan keyakinan terhadap UNISEL. Ini kerana setiap usaha atau hasilnya nanti pasti menjadikan UNISEL lebih cemerlang pada masa akan datang. Majlis yang berakhir sekitar jam 10.30 pagi ini turut dihadiri oleh keseluruhan pengurusan tertinggi serta warga UNISEL.



MPP UNISEL SERTAI 'UNIVERSITY SCHOLARS LEADERSHIP SYMPOSIUM' DI HANOI, VIETNAM



SERAMAI tiga orang pelajar Universiti Selangor (UNISEL) yang terdiri daripada Majlis Perwakilan Pelajar (MPP) menyertai 'UNIVERSITY SCHOLAR LEADERSHIP SYMPOSIUM' yang telah berlangsung di Hanoi, Vietnam bermula daripada 1hb Ogos sehingga 7hb Ogos 2016. Mereka yang terpilih adalah Muhd Fakhru Amiruddin bin Hamdan (Yang Dipertua), Qurratu'Anani bt Ali Mohamed (Naib Yang Dipertua) serta Nurul Aqilah bt Mahmud (Setiausaha). Penyertaan pelajar ditaja oleh Exco Pendidikan, Pembangunan Modal Insan, Sains, Teknologi dan Inovasi melalui peruntukan Dana Pengantarabangsaan dan turut dibiayai oleh Universiti Selangor.

Simbolik perlepasan kesemua mereka telah berlangsung secara sederhana oleh Prof. Dato' Dr. Mohammad Redzuan Othman, Presiden & Naib Canselor serta Prof. Dr. Shaharuddin Badaruddin, Timb. Presiden & Tim. Naib Canselor Pembangunan Pelajar

dan Jaringan Komuniti di Kampus Shah Alam. Turut menyaksikan acara simbolik ini adalah hadirin yang hadir ke 'Siri Dialog Darul Ehsan - Turki Pasca Kudeta : Erdogan & Kuasa Rakyat' yang berlangsung di lokasi yang sama.

Keperihatinan pihak universiti dalam memberi peluang kepada pelajar adalah demi mendedahkan mereka kepada program antarabangsa serta memberi peluang untuk membina jaringan antarabangsa dengan peserta dari negara lain. Selain itu, dalam pada masa yang sama turut mampu menaikkan

nama UNISEL ke persada antarabangsa supaya lebih dikenali. Diharap dengan peluang yang disediakan ini mampu membakar semangat pemimpin muda untuk melakukan sesuatu sebagai respon kepada isu-isu kemanusiaan supaya mereka menyedari potensi diri sebagai agen perubahan.

Ini adalah penyertaan kali kedua UNISEL dalam program UNIVERSITY SCHOLARS LEADERSHIP SYMPOSIUM, kali pertama UNISEL telah menyertainya di Hong Kong iaitu 6th UNIVERSITY SCHOLARS LEADERSHIP SYMPOSIUM. Program 7th University Scholars Leadership Symposium (USLS) 2016 adalah satu simposium yang menghimpunkan lebih 1000 orang siswa siswi dari institusi pendidikan di seluruh dunia bagi membincangkan hal yang berkaitan kemanusiaan. Program ini dibentuk bagi melahirkan pemimpin muda yang berupaya dan mempunyai ketahanan terhadap cabaran terkehadapan.

DIALOG TURKI PASCA KUDETA: ERDOGAN & KUASA RAKYAT

SIRI Dialog Darul Ehsan menjemput Prof. Dato' Dr. Mohammad Redzuan Othman, Presiden & Naib Canselor Universiti Selangor (UNISEL) dan Tn. Hj. Ahmad Azam Ab Rahman, Presiden WADAH dan Timbalan Setiausaha Agung UMW sebagai panel terhormat bagi membincangkan mengenai Turki Pasca Kudeta: Erdogan & Kuasa Rakyat. Dianggarkan lebih 300 hadirin memenuhi ruang LT2 di UNISEL, Kampus Shah Alam.

Prof. Dato' Dr. Mohammad Redzuan Othman memetik sebahagian daripada hasil

tulisannya menceritakan mengenai sejarah Turki sebelum dan selepas pemerintahan Erdogan. Beliau menegaskan bahawa negara Turki ini mengamalkan lima prinsip Kemalisme namun hanya menggunakan



Katanya lagi, selepas pemerintahan Erdogan, Turki menjadi lebih baik sehingga menjadi negara ketiga yang berkembang pesat selepas China dan India. Perkembangan ekonomi di Turki dapat dibuktikan apabila mengikut senarai Forbes World's Billionaires 2014, terdapat 43 billionair di Turki dan 37 orang daripadanya tinggal di Istanbul. Malah mata wang Turki turut berubah daripada 7 angka kepada 2 angka.

Manakala Tn. Hj. Ahmad Azam Ab Rahman pula dalam syarahannya menegaskan Erdogan merupakan presiden yang terbaik untuk memerintah Turki. Hal ini kerana, semenjak pemerintahannya, Presiden Erdogan telah membenarkan pemakaian tudung kepala sejak September 2013 dan mengembalikan semula penggunaan tulisan Uthmaniyah dalam pembelajaran. Tidak dilupakan juga antara perubahan terbesar di Turki yang berlaku ialah laungan azan di Hagia Sophia pada 2 Julai 2016 selepas 85 tahun.



prinsip Sekularisme dengan lebih keras. Menurut perlembagaan 1937, Turki diisytiharkan sebagai negara sekular.

Presiden & Naib Canselor UNISEL berkongsi sebahagian daripada hasil tulisannya

Siaran rakaman Dialog Turki Pasca Kudeta : Erdogan & Kuasa Rakyat ini boleh diakses dengan melayari laman portal media UNISEL di <http://media.unisel.edu.my/>.

PELAJAR UNISEL RAIH GANGSA DI KEJOHANAN 'ASEAN UNIVERSITY GAMES' DI SINGAPURA



PELAJAR Universiti Selangor (UNISEL) dirai oleh Pengurusan apabila beliau berjaya membawa pulang pingat gangsa acara 'Ping Pong' bagi kategori lelaki berpasukan yang telah berlangsung di kejohanan Asean University Games ke-18, di Singapura baru-baru ini.

Mohammad Hashri Fikri bin Mohamad Taufik, 20, merupakan pelajar UNISEL dalam jurusan Diploma Pengurusan Industri Sukan di Kampus Shah Alam. Beliau adalah seorang pelajar yang mempunyai perwatakan cukup positif selama ini terutama apabila diberi amanah besar membawa nama Negara.

Kejohanan yang disertai beliau ini adalah merupakan lokasi himpunan atlet dan para

profesional daripada Universiti Universiti di seluruh Asean bagi menunjukkan kebolehan mereka secara spesifiknya menerusi 16 acara sukan yang dipertandingkan.

Majlis yang diadakan secara sederhana ini turut dihadiri oleh Y.B. Amirudin Shari, EXCO Pembangunan Generasi Muda & Sukan, Kebudayaan dan Pembangunan Usahawan, Prof. Dato' Dr. Mohammad Redzuan Othman, Presiden & Naib Canselor serta pengurusan tertinggi yang lain.

YB Amirudin Shari dalam ucapan beliau mengucapkan syabas dan tahniah kepada Mohammad Hashri Fikri atas kejayaan yang telah beliau raih di temasya tersebut. Tambah beliau, Selangor antara negeri yang menyediakan kemudahan asas terbaik, bahkan hampir setiap daerah mempunyai stadium untuk digunakan.

Sementara itu, Prof. Dato Dr. Mohammad Redzuan Othman ketika ditemui



selepas majlis berakhir turut menzahirkan ucapan tahniah dan penghargaan kepada Mohammad Hashri Fikri. Menurut beliau lagi, kejayaan yang dilakar ini bukan sahaja memerlukan fasa latihan yang baik tetapi turut melibatkan persediaan mental serta azam yang tinggi.

Manakala, Mohammad Hashri Fikri pula dalam ucapan ringkas beliau, berasa cukup terharu dengan sambutan yang diberikan pengurusan universiti kepadanya. Tambah mengembirakan, apabila majlis yang diadakan ini turut mendapat perhatian YB Amirudin Shari yang sudi melapangkan masa hadir.

Dalam perkembangan yang sama, Mohammad Hashri Fikri telah dianugerahkan dengan Plak penghargaan, Sijil serta sejumlah wang bagi menghargai kejayaan beliau merangkul pingat gangsa di kejohanan tersebut. Penyerahan telah disempurnakan oleh YB Amiruddin Shari di akhir majlis yang berlangsung di Kampus Shah Alam.

IFTAR JAMAIE UNISEL ERAT IKATAN KEKELUARGAAN



IFTAR Jamaie Keluarga Besar Universiti Selangor (UNISEL) telah berlangsung seperti yang telah direncanakan. Bermula seawal Jam 6.00 petang, acara dimulai dengan bacaan ayat-ayat suci Al-Quran, Doa Selamat serta Tazkirah Ramadan.

Majlis yang berlangsung di Dewan Pro-Canselor Kampus Shah Alam dihadiri oleh

pengurusan kanan UNISEL yang diketuai oleh Prof, Dato' Dr. Mohammad Redzuan Othman, Presiden & Naib Canselor serta warga universiti secara keseluruhannya.

Beliau ketika menyampaikan ucapan setelah selesai berbuka puasa dan Maghrib berjemaah mengucapkan tahniah kepada penganjur kerana berjaya menganjurkan majlis. Ucapan

terima kasih pula ditujukan kepada warga universiti yang mengambil bahagian.

Selesai menyampaikan ucapan ringkas pada majlis tersebut, beliau telah menyerahkan bantuan Zakat kepada 10 orang staf universiti yang layak. Majlis berakhir pada jam 10.30 malam setelah selesai Solat Sunat Tarawikh berjemaah.

NIK NAZMI TEKANKAN GEJALA SOSIAL PERLU DITANGANI SECARA KOLEKTIF



Timbalan Naib Canselor menyampaikan ucapan.

KONVENSYEN Menangani Gejala Sosial dan Jenayah Merentasi Budaya diadakan di Universiti Selangor (UNISEL) Kampus Bestari Jaya adalah untuk mencari punca dan langkah mencegah segala permasalahan tersebut.

Exco Pendidikan, Pembangunan Modal Insan, Sains dan Teknologi, YB Nik Nazmi Nik Ahmad berkata, gejala sosial yang dihadapi di negara ini adalah permasalahan kemanusiaan yang merentasi budaya.

Menurutnya, untuk menyelesaikan perkara tersebut, pendekatan perlu diambil secara kolektif.

Beliau menyeru semua pihak dapat memainkan peranan masing-masing dalam membantu membendung gejala sosial.

Katanya, kerjasama semua pihak tidak kira siapa pun adalah perkara paling penting dalam menangani masalah tersebut.

"Sedia maklum negara kita merupakan negara dengan masyarakat majmuk, berbilang kaum, bangsa dan agama. Permasalahan ini pula merupakan permasalahan kemanusiaan.

"Oleh itu apa yang perlu diusahakan adalah untuk mendalami isu-isu ini secara kolektif dan sebulat suara," katanya ketika berucap merasmikan konvensyen tersebut.

Nik Nazmi berkata, beliau tidak menolak gejala sosial berlaku adalah berpunca daripada budaya dan juga ekonomi.

Menurutnya, kedua-dua perkara ini menjadi faktor utama sebagai

punca gejala sosial.

Katanya, jika tidak ditangani, negara sukar untuk melahirkan modal insan yang berkualiti dalam memastikan kemajuan negara.

"Kita juga perlu sedar bahawa sedekatnya dengan matlamat mencapai negara maju, semakin rumit cabaran yang dihadapi masyarakat.

"Kemajuan infrastruktur dan status masyarakat juga memberi kesan sekiranya ia tidak membangun secara sejagat. Malangnya, jika ada yang ketinggalan maka sudah pasti mereka yang ketinggalan itu tidak dapat menikmati kemajuan dengan baik," katanya.

Dalam pada itu, beliau turut menekankan UNISEL sentiasa mempertahankan kebebasan bagi ahli akademik, mahasiswa, pertubuhan bukan kerajaan (NGO) dan sebagainya dalam membincangkan isu-isu semasa.

Malah sebarang isu termasuk prospek masa depan dengan menjemput ahli-ahli panel yang mempunyai sudut pandang pelbagai.



Nik Nazmi berucap



Peserta khusyuk mendengar taklimat yang hadir

Majlis konvensyen tersebut telah mendapat penyertaan hampir 1000 peserta terdiri daripada NGO, guru-guru, ibu bapa dan institut pengajian tinggi (IPT).

UNISEL SAMBUT WORLD PRESS FREEDOM DAY 2016



Datuk A Kadir sedang berucap

Darul Ehsan (IDE) dihadiri kira-kira lebih 50 peserta.

Ucapan aluan disampaikan oleh Pengerusi AIDCOM, Datuk A Kadir Jasin yang merupakan tokoh wartawan terkenal.

Beliau menyeru semua pihak memfokuskan kepada peranan media sebagai medium untuk memastikan masyarakat yang lebih baik.

Malah beliau menyifatkan media perlu diberi kebebasan sepenuhnya untuk menjadi pemerhati dalam masyarakat.

Dalam pada itu, Naib Presiden dan Timbalan Naib Canselor Pentadbiran, Perancangan & Jaringan Global UNISEL, Prof Dr Mohd Nor Nawawi turut berucap.

Turut diadakan forum yang diketuai oleh Dekan Fakulti Komunikasi dan Media UNISEL, Prof Dr Azmuiddin Ibrahim selaku moderator serta empat panelis daripada pelbagai bidang iaitu Editor Bersekutu The Malay Mail, Balan Moses, Ketua Pegawai Eksekutif & Pengasas Bersama Malaysiakini, Premesh Chandran dan Pensyarah Fakulti Seni dan Sains Sosial Universiti Nottingham Malaysia, Prof Zaharom Naib dan Wartawan Bebas, Bob Teoh.

Kesemua panelis menuntut supaya media di negara ini diberi kebebasan yang sepatutnya.

UNIVERSITI Selangor (UNISEL) menyambut World Press Freedom Day 2016 yang bertemakan Access to Information and Fundamental Freedoms : This is Your Right!

Majlis anjuran bersama Asian Institute for Development Communication (AIDCOM) mendapat kerjasama Institut



Antara panelis yang terlibat di World Press Freedom Day 2016

UNISEL TAWAR PERKHIDMATAN PEMERIKSAAN KESIHATAN PERCUMA SMART SELANGOR CARE

UNIVERSITI Selangor (UNISEL) mahu mewujudkan Smart Selangor Care bagi membantu masyarakat melalui perkhidmatan rawatan kesihatan percuma.

Pemeriksaan kesihatan ini adalah percuma untuk rakyat Selangor berusia 18 tahun ke atas di semua Dewan Undangan Negeri (DUN) ini.

Ia menumpukan kepada tiga aspek iaitu program kanak-kanak Orang Kelainan Upaya (OKU), program pesakit terlantar dan juga program fisioterapi.

Dekan Fakulti Bioperubatan dan Kesihatan, Prof Dr Mohd Nazil Salleh berkata, program ini adalah sebahagian daripada usaha UNISEL untuk berbakti kepada masyarakat melalui pemeriksaan kesihatan.

Malah UNISEL dapat berkongsi segala kepakaran dan fasiliti berkaitan kesihatan yang dimiliki kepada orang ramai.

Menurutnya, program tersebut mendapat sokongan daripada Kerajaan Negeri khususnya Exco Kesihatan, Kebajikan, Pembangunan Wanita dan Keluarga, Dr Daroyah Alwi.

"Kepercayaan Dr Daroyah terhadap perkhidmatan yang UNISEL akan berikan adalah positif setakat ini kerana ini kali kedua lawatannya ke sini.

"Kita mahu menyumbang kepada masyarakat melalui perkhidmatan percuma baucar yang akan diberikan Kerajaan Negeri berdasarkan jumlah yang dihadkan bagi setiap DUN," katanya semasa lawatan kerja Dr Daroyah ke Pusat Fisioterapi dan Pusat Makmal dan Klinikal Diagnostik UNISEL.



Dr Daroyah mengadakan lawatan kali kedua meninjau fasiliti dan kepakaran ditawarkan oleh UNISEL



Dr Daroyah (kanan) mendengar penerangan diberikan staf fakulti disaksikan oleh Presiden & Naib Canselor UNISEL, Prof Dato Dr Mohammad Redzuan Othman



Mengambil gambar kenangan

UNISEL TERIMA KUNJUNGAN PELAJAR ISLAM KEMBOJA



SERAMAI 28 peserta terdiri dari 17 lelaki dan 11 wanita telah menyertai delegasi pelajar Islam Kemboja ke Universiti Selangor (UNISEL) yang telah berlangsung di kampus Shah Alam. Kunjungan tersebut bersempena program 'Future Muslim Leaders & Visit to Malaysia 2016' yang dianjurkan oleh Union of Muslim Youth of Cambodia (UMYC).

Objektif utama program adalah untuk memberi latihan dan pendedahan kepada belia Muslim yang terpilih untuk menjadi pemimpin masyarakat Islam di Kemboja pada masa hadapan. Kunjungan ini adalah projek

pertama mereka adalah yakni Kepimpinan Lawatan Sambil Belajar ke Malaysia termasuklah kunjungan ke UNISEL.

'The Union of Muslim Youth of Cambodia (UMY)' adalah sebuah pertubuhan Islam berkolaborasi bersama International Institute of Islamic Thought (IIIT) dan beberapa pertubuhan lain sedang memulakan projek lima tahun proaktif untuk menyediakan latihan kepimpinan profesional dan rangkaian untuk pemimpin belia Islam di Kemboja.

Prof. Dr. Shaharuddin Badaruddin, Timbalan Naib Canselor Pembangunan Pelajar dan Jaringan Komuniti ketika menyampaikan

ucapan, menyatakan pada era ini kepimpinan Islam sangat penting untuk transformasi sesebuah Negara. Penekanan elemen kepimpinan yang perlu dititikberatkan adalah ilmu yang meluas untuk mendepani geopolitik yang penuh dengan cabaran.

Kunjung hormat yang bermula sekitar jam 11.30 telah berakhir kira-kira jam 1.00 petang dengan kedua-dua pihak saling bertukar-cenderamata tanda penghargaan. Sementara itu, sebelum bertolak ke lokasi seterusnya, kesemua peserta telah dihidangkan dengan jamuan makan tengahari oleh pengurusan universiti.



BANK ISLAM SERAH CEK ZAKAT BANTU ASNAF DAN PELAJAR



Cek bernilai RM20,000 disampaikan oleh Bank Islam



BAGI membantu asnaf serta pelajar memerlukan, Bank Islam menyalurkan kutipan zakat sebanyak RM20,000 kepada Universiti Selangor (UNISEL).

Penyerahan tersebut merupakan sebahagian daripada tanggungjawab sosial korporat (CSR) bank tersebut dalam membantu masyarakat.

Ia juga merupakan program tahunan dalam membantu institut pengajian tinggi (IPT) di seluruh negara.

Majlis penyerahan cek tersebut telah dijalankan di Kampus Shah Alam.

Cek tersebut telah disampaikan kepada Presiden & Naib Canselor UNISEL, Prof. Dato' Dr. Mohammad Redzuan Othman.

KASIH AMBANG RAMADAN TANDA KEPERIHATINAN UNISEL



KASIH Ambang Ramadan berlangsung sederhana dan menepati sasaran. Program kendalian Unit Jaringan Komuniti Hal Ehwal Pelajar (HEP) telah mendapat kerjasama baik dari Pusat Khidmat Masyarakat Dun Sekinchan dan DUN Sungai Panjang yang merupakan lokasi berlangsungnya program ini.

Bermula dari sebelah pagi sehingga tengahari, program yang berlangsung di dua lokasi berbeza ini telah dirasmikan oleh Prof Dr. Shaharuddin Badaruddin, Timb. Naib Canselor UNISEL. Turut hadir semasa program berlangsung ialah YB Ng Suee Lim, ADUN

Sekinchan serta beberapa pegawai di pusat khidmat masyarakat.

Program di bawah cabang khas 'Cakna' UNISEL ini bertujuan menghulurkan sumbangan ikhlas kepada golongan asnaf dan fakir miskin di kedua-dua DUN dengan kerjasama ketua kampung setempat. Sumbangan berbentuk wang tunai sebanyak RM50 dan bungkusan makanan itu disambut baik oleh penerima.



Seramai 45 orang sukarelawan yang terdiri dari para pelajar UNISEL terlibat secara langsung menerusi program ini. Ditambah pula dengan kehadiran 38 orang penunggang motorsikal Street Cub dan pelbagai motorsikal turut memeriahkan lagi acara dengan berkonvoi dari DUN Sekinchan ke Masjid Al-Huda, Parit 13, Sungai Panjang.

Keseluruhan sukarelawan yang tampil bagi melancarkan perjalanan majlis, membantu warga emas serta mengiringi asnaf mengambil bantuan cukup bersyukur kerana diberi pengalaman bermakna ini.

Sesungguhnya, pendedahan sebegini adalah bagi memupuk mereka khususnya pelajar erti semangat membantu masyarakat dan menghormati warga emas.

Sumbangan yang diberi diharap dapat membantu meringankan beban para asnaf dan fakir miskin.

YURAN ASRAMA DITURUNKAN DEMI KEBAJIKAN PELAJAR

YURAN Asrama Kampus Bestari Jaya diturunkan berdasarkan semester pengajian, berikut merupakan kenyataan terkini YBhg Presiden & Naib Canselor, Prof. Dato' Dr. Mohammad Redzuan Othman ketika menyampaikan ucapnama perasmian Majlis Bacaan Ikrar Minggu Tekad Siswa Sesi Jun 2016.

Beliau ketika mengulas lanjut penurunan yuran asrama tersebut menjelaskan bahawa ini adalah sebahagian daripada tanggungjawab sosial korporat universiti. Tambah beliau lagi, UNISEL terpaksa

melupakan soal keuntungan hanya semata-mata demi mengutamakan kebajikan pelajar, ini asas kewujudan universiti ini.

Manakala, kebanyakan pelajar baharu yang bakal melanjutkan pengajian semester Jun 2016 di Kampus Bestari Jaya ketika ditemui, menzahirkan rasa terima kasih kepada YBhg Presiden serta seluruh pengurusan universiti. Keputusan penurunan yuran tersebut telah berkuatkuasa semenjak Mei 2016 yang lalu.

Pelajar mendengar taklimat dari Prof Dato' Dr. Mohamad Redzuan Othman



Majlis Bacaan Ikrar Minggu Tekad Siswa Sesi Jun 2016

Majlis Bacaan Ikrar Pelajar bermula seawal jam 9.00 pagi, telah berlangsung di Dewan Utama, Kampus Bestari Jaya. Turut hadir ketika majlis berlangsung adalah pimpinan tertinggi universiti serta barisan pengurusan yang lain untuk diperkenalkan secara langsung kepada semua pelajar baharu Kemasukkan Jun 2016.

SAMBUTAN PENDAFTARAN KEMASUKAN JUN 2016 LUAR BIASA



PENDAFTARAN pelajar baharu kemasukkan Jun 2016 mendapat sambutan luar biasa. Kaunter pendaftaran yang dibuka seawal jam 9.00 pagi mula dipenuhi oleh para pelajar. Ini merupakan satu perkembangan terkini kepercayaan pelajar serta masyarakat diluar sana terhadap reputasi gah UNISEL selama ini.

Menurut Puan Nor Aisyah Md Idris, Pengarah Pemasaran & Kemasukkan, beliau terharu dengan sambutan yang diberikan. Tambah beliau, kerja keras warga universiti dalam menyebarkan kemasukkan Jun ini adalah merupakan faktor utama. Dalam pada itu, beliau mengucapkan jutaan terima kasih buat semua ibubapa serta para pelajar yang memilih UNISEL.

Prof Madya Ir. Muhidin Arifin, Dekan Fakulti Kejuruteraan, begitu terkejut melihat begitu banyak kenderaan di laman Canselor. Dengan kehadiran begitu ramai pelajar serta ibubapa yang boleh kelihatan dari jauh dirasakan seperti hari Istiadat Konvokesyen UNISEL keadaannya. Dalam pada itu, menurut beliau jumlah pelajar

Fakulti Kejuruteraan dijangka meningkat berbanding sebelum ini.

Manakala tinjauan ringkas bersama Ibubapa yang hadir, rata-rata mereka melahirkan keyakinan cukup tinggi terhadap keupayaan UNISEL. Kebanyakan mereka puas hati dengan proses pendaftaran termasuk kemudahan yang telah disediakan bagi menjamin anak-anak mereka menjalani pengajian dengan sempurna.

Pendaftaran pelajar baharu Jun 2016 adalah merupakan 'intake' yang ke-3 pada tahun ini setelah 'tagline' terkini universiti 'Peneraju Tranformasi' diperkenalkan oleh Presiden & Naib Canselor baharu, Prof Dato' Dr. Mohammad Redzuan Othman. Beliau merupakan Naib Canselor Ke-7 yang mula menerajui UNISEL pada Jan 2016.

Justeru itu, buat pelajar yang berminat untuk menyambung pengajian di UNISEL, pendaftaran boleh dilakukan di laman sesawang universiti www.unisel.edu.my atau boleh menghubungi pejabat Pemasaran & Kemasukkan di talian 03-55223400.

UNISEL TERIMA NAIB PRESIDEN & TIMBALAN NAIB CANSOLOR BAHARU

SEKALUNG tahniah buat Prof Dr Mokhtar Abdullah serta Prof Dr Mohd Nor Nawawi yang telah dilantik sebagai Naib Presiden & Timbalan Naib Canselor UNISEL yang baharu. Perlantikan mereka telah berkuatkuasa 1 Mei lalu.

Prof Dr Mokhtar Abdullah diangkat memegang portfolio Akademik, Penyelidikan & Jaringan Industri manakala Prof Dr Mohd Nor Nawawi pula diberi peranan meneraju portfolio Pentabdiran, Perancangan & Jaringan Global.

Prof Dr Mokhtar menyertai Fakulti Perniagaan UNISEL sejak 2012. Beliau sebelum ini menyandang jawatan sebagai Pengarah Pusat Perniagaan, Penyelidikan, Hubungan Industri dan Perundingan (BRIC).

Manakala Prof Dr Mohd Nor pula sebelum ini memegang jawatan sebagai Pengarah Perancangan Strategik UNISEL. Beliau mula menyertai UNISEL pada 2008 selaku pensyarah di Fakulti Pendidikan dan Sains Sosial.

Pelantikan Prof Dr Mokhtar dan Prof Dr Mohd Nor melengkapkan tiga jawatan TNC yang ada di UNISEL.

Sebelum ini, Prof Dr Shahrudin Badaruddin dilantik sebagai Naib Presiden & Timbalan Naib Canselor Pembangunan Pelajar dan Jaringan Komuniti



Prof Dr Mokhtar & Prof Dr Mohd Nor

SAMBUTAN 'AIDILFITRI' PERINGKAT KAMPUS SHAH ALAM MERIAH



UNIVERSITI Selangor (UNISEL) meraikan sambutan Hari Raya Aidilfitri peringkat Kampus Shah Alam dengan penuh warna warni. Hadir merasmikan Majlis ialah Prof. Dato' Dr. Mohammad Redzuan Othman, Presiden & Naib Canselor dengan diiringi oleh Pengurusan tertinggi yang lain.

Juadah hari raya berkonsepkan gerai dihias mengikut kreativiti setiap jabatan serta fakulti yang telah digandingkan secara berkumpulan di Kampus Shah Alam. Antara juadah yang menjadi tarikan ialah kambing golek, sate, rendang, mee kari serta pelbagai lagi.

Kemuncak majlis, adalah keputusan Pertandingan Dekorasi Gerai tercantik di mana tempat pertama dimenangi oleh Pejabat Bendahari manakala kedua dimenangi oleh gabungan tiga fakulti iaitu CFGS, CGS dan Art & Design dan ketiga oleh Fakulti Perniagaan.

Pengiktirafan juga turut diberikan kepada pengawal keselamatan yang bertugas semasa hari raya dalam bentuk

hamper. Selain itu bagi Pertandingan Pakaian Tercantik dimenangi oleh Puan Fazilah (kategori wanita) dan Encik Zawawi (kategori lelaki).

Antara acara yang diadakan sepanjang majlis berlangsung adalah tarian zapin dan nyanyian lagu hari raya. Sambutan ini secara tidak langsung telah mengeratkan lagi silaturahim di samping menjalinkan kemesraan antara warga universiti.



AIDILFITRI DISAMBUT MERIAH WARGA UNISEL KAMPUS BESTARI JAYA



Antara peserta Pertandingan Gerai Tercantik

tempat pertama di menangi gabungan Fakulti Sains dan Bioteknologi, Pejabat Koperasi, Pejabat Naib Canselor serta Pejabat Timb. Naib Canselor. Tempat kedua pula Fakulti Pendidikan dan Sains Sosial dan ketiga oleh Pejabat Pembangunan Pelajar dan Jaringan Komuniti.

Tidak dilupakan, pengiktirafan juga turut diberikan kepada pengawal keselamatan yang bertugas semasa hari raya Aidilfitri di Kampus Bestari Jaya dalam bentuk hamper. Dan acara yang menjadi debaran insan terpilih iaitu pertandingan Pakaian Tercantik dimenangi oleh Puan Erma Syafie bagi kategori wanita dan bagi kategori lelaki pula dimenangi oleh Encik Raj Mohamad.

JIKA sambutan Hari Raya Aidilfitri berlangsung di Kampus Shah Alam penuh warna warni, di Kampus Bestari Jaya juga tidak kurang hebatnya. Sambutan yang berlangsung di sebelah petang ini menyaksikan kerjasama pelbagai warga kampus dalam menyerikan gerai masing-masing.

Dan seperti biasa, Prof. Dato' Dr. Mohammad Redzuan Othman, Presiden & Naib Canselor yang diketahui mempunyai jadual tugas cukup padat sekali lagi melapangkan masanya untuk merasmikan dan seterusnya meraikannya bersama-sama warga Universiti

Selangor (UNISEL) Kampus Bestari Jaya.

Sama seperti di Kampus Shah Alam semalam, ternyata juadah seperti kambing golek, sate, rendang, mee kari serta pelbagai lagi menjadi hidangan. Sambutan ini secara tidak langsung telah mengeratkan lagi silaturahim di samping menjalinkan kemesraan dikalangan warga universiti.

Manakala keputusan pertandingan dekorasi gerai tercantik, menyaksikan



Suasana kemeriahan hari raya di Kampus Bestari Jaya



Jamuan hari raya dapat mengeratkan silaturahim antara staf



UNISEL PERKENALKAN 'WEBSITE' BAHARU



SERAMAI 19 peserta (Webmaster) dari fakulti serta jabatan di Universiti Selangor (UNISEL) telah menghadiri 'Bengkel Menaik Taraf Laman Sesawang kali ke-3' anjuran Pejabat Komunikasi Korporat di Gold Coast Morib yang berlangsung selama 3 hari 2 malam. Penulis dan kesemua para peserta mula bertolak pada jam 2.30 petang dari universiti dan tiba ke destinasi kira-kira jam 4.00 petang.

Selesai urusan 'Chek-In' penginapan, penulis serta para peserta yang lain diberikan sedikit taklimat ringkas berkenaan tentatif bengkel dari penganjur. Selepas itu kami semua dihidangkan dengan jamuan makan malam yang bermula jam 6:30 petang sehingga jam 8.00 malam dengan juadah cukup menarik. Terima kasih diucapkan.

Di sebelah malamnya, sesi pertama bengkel berlangsung di Dewan Carey dengan 'slot' pertama ialah taklimat bengkel oleh Encik Hasril Abu Hassan, Pengarah Komunikasi Korporat kepada para peserta. Selesai taklimat, maka module pertama pun dimulai dengan penekanan pertama terhadap 'Website Contents' serta 'Managing Administrator'.

Walaupun bermula agak lewat mungkin atas faktor keletihan, namun tidak memudarkan semangat penulis serta para peserta, ini kerana setiap module memerlukan fokus cukup tinggi. Mana tidaknya, kami semua mengakhiri bengkel pada hari pertama kira-kira jam 12.00 malam dengan penutupnya menerima cenderahati berbentuk tuala oleh pihak penganjur. Alhamdulillah.

FOKUS PERLU TINGGI, MODULE PADAT BENGKEL BERMULA

Hari kedua kursus berlangsung, para peserta sudah mula turun bersarapan seawal jam 7:00 pagi dengan pilihan 'buffet' menarik seperti nasi minyak, rendang ayam, bubur berlauk dan lain-lain lagi. Manakala kira-kira jam 8:15 pagi setelah selesai bersarapan, penulis serta kesemua peserta langsung ke Dewan Carey meneruskan bengkel.

'Managing Website Banner', 'Managing Website Media', 'Managing Website Staff List' serta 'Managing Website Footer' merupakan 4 module padat yang telah diharungi oleh penulis serta para peserta. Ini adalah bagi membolehkan kami mempunyai secubit masa untuk melakukan aktiviti bebas disebelah petang hari (acara di nanti).

Antara aktiviti menarik yang dilakukan penulis serta peserta lain adalah memanah, bermain roller blade serta menikmati panoroma pantai yang berhampiran dengan tempat penginapan kami. Aktiviti bebas ini secara tidak langsung dapat menghilangkan tekanan para peserta sepanjang bengkel berlangsung di samping ruang untuk kami menjalinkan kemesraan.

Hal ini dibuktikan apabila Puan Siti Zulaiha Tumiran, iaitu salah seorang peserta (Webmaster) ketika ditanya pendapat beliau mengenai penganjur kursus kali ini menyatakan secara jujur bahawa bengkel kali ini lebih sistematik perancangannya berbanding tahun sebelumnya selain modul yang dikendalikan dapat difahami lebih mudah.

Bersambung bengkel disebelah malam, module seterusnya ialah 'Managing Website Menu' serta 'Additional Website Management Closing' yang juga berakhir kira-kira jam 12.00 malam. Tetapi penulis serta para peserta seperti tidak menghiraukan masa berlalu kerana masih menunjukkan minat yang tinggi terhadap apa yang sedang di pelajari.

Cuma sebelum keluar dari dewan bengkel, sempat penulis bertanyakan Encik Hasril Abu Hassan selaku penganjur akan objektif penganjuran pada kali ini. Ujarnya secara bersahaja, fokus adalah tertumpu untuk memastikan semua laman sesawang fakulti serta jabatan dengan 'template' baharu ini mampu memenuhi citarasa semua pihak.

Menurut beliau, paparan laman sesawang terlalu subjektif kerana tidak semua pihak mudah berpuas hati kerana kepuasan itu adalah sesuatu yang cukup kompleks. Situasi adalah berdasarkan pengalaman beliau semenjak di angkat menerajui Pejabat Komunikasi Korporat kerana sebelum ini

laman sesawang bukanlah dibawah seliaan Korporat katanya.

Tambah beliau lagi, jika tidak keterlaluan, UNISEL adalah satu-satunya Anak Syarikat Kerajaan Negeri yang menukar laman sesawang sebanyak dua kali dalam setahun untuk tempoh 3 tahun terkebelakang semenjak beliau menggalas amanah ini. Katanya, tugas ini bukan mudah tetapi memandangkan harapan tinggi pihak universiti maka beliau cuba sebaik mungkin.

Mengakhiri perbualan, beliau cukup berpuas hati dengan komitmen semua peserta kursus kali ini. Bagi beliau, semua peserta menunjukkan semangat cukup tinggi. Ini kerana kesemua 'webmaster' ini bukanlah diberikan elaun khas dari universiti, tetapi mereka mampu memberikan 150% komitmen tinggi dan sudah pasti perkembangan ini adalah sesuatu yang cukup membanggakan, katanya.

DEBARAN PEMBENTANGAN

Masa bergerak begitu pantas, masuk hari terakhir bengkel berlangsung kini tibalah masanya kesemua peserta membentangkan 'progres' laman sesawang mengikut jabatan dan fakulti masing-masing yang bermula seawal jam 8:40 pagi. Ini bertujuan melihat secara obvisual perancangan awal peserta terhadap laman sesawang masing-masing.

Hasilnya, kesemua pembentangan menerima komentar dari En. Hasril Abu Hassan serta peserta yang lain. Ini demi memastikan laman sesawang lebih baik dari pelbagai aspek dalam memenuhi kehendak pengguna yakni masyarakat khususnya pelajar. Bengkel atau slot berakhir kira-kira jam 11.40 pagi dengan ucapan penutup oleh En. Hasril Abu Hassan selepas itu.

Akhirnya, secara keseluruhan pada pandangan penulis, kursus atau bengkel ini cukup berjaya. Ini kerana rata-rata peserta yang ditemui melahirkan perasaan berpuas hati dengan penganjurannya. Untuk itu, harapan serta doa penulis agar keseluruhan website yang diperkenalkan mampu memberikan sinergi baharu serta berupaya memenuhi kehendak semua pihak.

- Kredit kepada Habibah & Nadirah (Pelajar Praktikal, Jabatan Komunikasi Korporat UNISEL)

SE P I N T A S L A L U

UNISEL Terima RM20 Juta Geran Pembangunan



Dato Menteri Besar Selangor Turun Padang Lawat UNISEL Tanda Prihatin



Perlantikan Prof. Dato' Dr Siddiq Fadzil Sebagai Professor Adjung Di UNISEL



Pelajar UNISEL Raih Gangsa Di Kejohanan 'Asean University Games' Di Singapura



AKS 2015 Iktiraf Kepimpinan Mahasiswa



UNISEL Lebarkan Sayap Ke Bangladesh Dengan Pembukaan Kampus Baharu



Majlis Pelancaran Transformasi UNISEL "Ke Arah Universiti Cemerlang"





MOHON SEGERA di apply.unisel.edu.my

SHAH ALAM
BESTARI JAYA

PROGRAM TAHUN ASAS (SKIM DERMASISWA)

Program Asas Pengurusan
KPT/JPS/(R/345/3/0172)02/17

Program Asas Sains
KPT/JPS/(R/421/3/0009)03/17

Program Asas Teknologi Maklumat
KPT/JPS/(R2/010/3/0405)08/21

Program Asas Pendidikan (Pengajaran Bahasa Inggeris Sebagai Bahasa Kedua)
KPT/JPS/(R/144/3/0003)07/17

PROGRAM DIPLOMA

- **Pengurusan Perniagaan**
KPT/JPS (R/345/4/0566)06/19
- **Perakaunan**
KPT/JPS (R/344/4/0261)06/19
- **Pengurusan Pentadbiran**
KPT/JPS(R/345/4/0116)10/16
- **Pengurusan Industri Sukan**
KPT/JPS/(R/813/4/0010)05/17
- **Komunikasi & Media**
KPT/JPS/(R/321/1/4/0030)12/16
- **Kejuruteraan Awam**
KPT/JPS(N/526/4/0029)03/18
- **Kejuruteraan Elektrik & Elektronik**
KPT/JPS(R2/523/4/0061)01/21
- **Kejuruteraan Mekatronik**
KPT/JPS(R2/521/4/0020)01/21
- **Kejuruteraan Mekanikal**
KPT/JPS(R2/521/4/0019)01/21
- **Teknologi Maklumat**
KPT/JPS/(R/481/4/0487)06/19
- **Sains Komputer (Pengkomputeran Industri)**
KPT/JPS(R2/452/4/0106)05/21
- **Industri Multimedia**
KPT/JPS(R2/213/4/0012)05/21
- **Industri Bioteknologi**
KPT/JPS(R/545/4/0021)06/18

- **Akuakultur**
KPT/JPS (R/624/4/0001)01/19
- **Teknologi Industri**
KPT/JPS(R/520/4/0044)09/18
- **Sains Kuantitatif**
KPT/JPS(N/462/4/0004)07/17
- **Pengajaran Bahasa Inggeris Sebagai Bahasa Kedua**
KPT/JPS(R/145/4/0021)02/17
- **Pendidikan (Pengajian Pra Sekolah)**
KPT/JPS (R2/143/4/0001)07/21
- **Pendidikan (Pengajian Islam)**
KPT/JPS (R/521/6/0037)09/17
- **Sains Perpustakaan**
KPT/JPS (R/322/4/0003)10/16



PROGRAM IJAZAH SARJANA MUDA (KEP.)

- **Sains Teknologi Maklumat dengan Pengurusan Rantai Bekalan**
KPT/JPS (R/481/6/0188)05/17
- **Sains Komputer (Keselamatan Rangkaian & Digital Forensik)**
KPT/JPS (N/481/6/0259)01/18
- **Industri Bioteknologi**
KPT/JPS(R/545/4/0022)06/18
- **Bioinformatik**
KPT/JPS(R/481/6/0486)06/19
- **Sains Teknologi Industri**
KPT/JPS(N/540/6/0007)07/17
- **Sains Matematik dengan Statistik**
KPT/JPS (R/461/6/0001)11/16
- **Sains Persekitaran (Kepelbagaian Biologi dan Pemuliharaan)**
KPT/JPS(R/422/6/0010)12/19
- **Pendidikan (Pengajaran Bahasa Inggeris Sebagai Bahasa Kedua)**
KPT/JPS(R2/145/6/0013)08/21
- **Pendidikan (Pendidikan Awal Kanak-Kanak)**
KPT/JPS (N/143/6/0022)01/17
- **Pendidikan (Pengajian Islam)**
KPT/JPS (N/145/6/0045)07/19
- **Psikologi Industri**
KPT/JPS (R/311/6/0018)01/18
- **Sains Perpustakaan**
KPT/JPS (R/322/6/0002)07/21
- **Perakaunan**
KPT/JPS(R344/6/0262)07/19
- **Kewangan**
KPT/JPS(R/343/6/0130)07/19
- **Pengurusan Perniagaan**
KPT/JPS (R2/345/6/0795)10/20
- **Pengurusan Sumber Manusia**
KPT/JPS(R/345/6/0202)10/17
- **Komunikasi (Komunikasi Korporat)**
KPT/JPS(R/321/6/0065)09/18
- **Komunikasi (Kewartawanan)**
KPT/JPS (R/321/6/0138)06/18
- **Kejuruteraan Elektrik**
KPT/JPS (R/522/6/0025)09/17
- **Kejuruteraan Mekanikal**
KPT/JPS (R/521/6/0037)09/17
- **Kejuruteraan Awam**
KPT/JPS (R/526/6/0024)09/17
- **Sains Komputer (Kejuruteraan Perisian)**
KPT/JPS (R2/481/6/0654)11/20
- **Sains Komputer**
KPT/JPS (R2/481/6/0653)10/20
- **Teknologi Maklumat**
KPT/JPS (R2/481/6/0752)08/21
- **Industri Multimedia**
KPT/JPS (R/213/6/0063)05/17

DATANG BERAMAI-RAMAI UNTUK PENDAFTARAN "WALK-IN"

(Diploma & Sarjana Muda)

Tarikh : 22 OKTOBER 2016

Masa : 9.00 pagi - 3.00 petang

Tempat : DEWAN CANCELOR UNISEL

KAMPUS BESTARI JAYA

3° 5' 0" | 101° 32' 0"

*Silalah bawa slip/ sijil akademik (SPM/ STPM/ Diploma/ MUET)